

# 營造法式

宋 李 誠 撰

(三)



商 務 印 書 館

營 造 法 式

(三)

宋 李誠撰

商 務 印 書 館

營造法式卷第二十三

通直郎管修蓋第外第專提舉修蓋班直諸軍營房等臣李誠奉

聖旨編修

小木作功限四

轉輪經藏

壁藏

**轉輪經藏**

轉輪經藏一坐八瓣內外槽帳身造

外槽帳身腰檐平坐上施天宮樓閣共高二丈徑一丈六

尺

帳身外柱至地高一丈二尺

造作功

帳柱每一條

歡門每長一丈

右各一功五分

隔料版并貼柱子及仰托棍每長一丈二功五分

帳帶每三條一功

攏裏二十五功

安卓一十五功

腰檐高二尺料槽徑一丈五尺八寸四分

造作功

料槽版長一丈五尺

壓厦版及山版同

一功

內外六鋪作外跳一抄兩下昂裏跳並卷頭料拱每

一朶共二功三分

角梁每一條

子角梁同

八分功

貼生每長四丈

飛子每四十枚

白版紐計每長三丈廣一尺

厦瓦版同

瓦隴條每四丈

搏脊每長二丈五尺

搏脊搏同

角脊每四條

瓦口子每長三丈

小山子版每三十枚

井口棍每三條

立棍每一十五條

馬頭棍每八條

右各一功

攏裹三十五功

安卓二十功

平坐高一尺徑一丈五尺八寸四分

造作功

料槽版每長一丈五尺壓厦版同

鴈翅版每長三丈

井口棍每三條

馬頭棍每八條

面版每長一丈廣一尺

右各一功

斗拱六鋪作並卷頭材廣厚同腰檐每一朶共一功一分

單鉤闌高七寸每長一丈望柱在內共五功

攏裏二十功

安卓一十五功

天宮樓閣共高五尺深一尺

造作功

角樓子每一坐廣二辨並挾屋行廊各廣二辨共七十二功

茶樓子每一坐廣同上並挾屋行廊各廣同上共四十五功

攏裏八十功

安卓七十功

裏槽高一丈三尺徑一丈

坐高三尺五寸坐面徑一丈一尺四寸四分料槽徑九尺八寸四分

造作功

龜脚每二十五枚

車槽上下澁坐面澁猴面澁每各長五尺

車槽澁并芙蓉華版每各長五尺

坐腰上下子澁三澁每各長一丈

壺門神龕並背版同

坐腰澁并芙蓉華版每各長四尺

明金版每長一丈五尺



料槽版每長一丈八尺

壓版同

坐下榻頭木每長一丈三尺

下臥棍同

立棍每一十條

柱脚方每長一丈二尺

方下臥棍同

拽後棍每一十二條

猴面鈿面棍同

猴面梯盤棍每三條

面版每長一丈廣一尺

右各一功

六鋪作重栱卷頭料栱每一朶共一功一分

上下重臺鈎闌高一尺每長一丈七功五分

攏裏三十功

安卓二十功

帳身高八尺五寸徑一丈

造作功

帳柱每一條一功一分

上隔料版並貼絡柱子及仰托棍每各長一丈二功

五分

下錠脚隔料版並貼絡柱子及仰托棍每各長一丈

二功

兩頰每一條三分功

泥道版每一片一分功

歡門華瓣每長一丈

帳帶每三條

帳身版紐計每長一丈廣一尺

帳身內外難子及泥道難子每各長六丈

右各一功

門子合版造每一合四功

攏裏二十五功

安卓一十五功

柱上帳頭共高一尺徑九尺八寸四分

造作功

料槽版每長一丈八尺

壓厦版同

角枋每八條

搭平棊方子每長三丈

右各一功

平棊依本功

六鋪作重拱卷頭科拱每一朶一功一分

攏裏二十功

安卓一十五功

轉輪高八尺徑九尺用立軸長一丈八尺徑一尺五寸

造作功

軸每一條九功

輻每一條

外輞每二片

裏輞每一片

裏柱子每二十條

外柱子每四條

挾木每二十條

面版每五片

格版每一十片

後壁格版每二十四片

難子每長六丈

托輻牙子每一十枚

托棖每八條

立絞棍每五條

十字套軸版每一片

泥道版每四十片

右各一功

攏裏五十功

安卓五十功

經匣每一隻長一尺五寸高六寸在內廣六寸五分

造作攏裏共一功

右轉輪經藏總計造作共一千九百三十五功二分攏裏

共二百八十五功安卓共二百二十功

**壁藏**

壁藏一坐高一丈九尺廣三丈兩擺手各廣六尺內外槽

共深四尺

坐高三尺深五尺二寸

造作功

車槽上下澁并坐面猴面澁芙蓉瓣每各長六尺

子澁每長一丈

臥棍每一十條

立棍每十二條拽後棍羅文棍同

上下馬頭棍每一十五條

車槽澁並芙蓉華版每各長五尺

坐腰並芙蓉華版每各長四尺

明金版並造每長二丈料槽壓履版同

柱脚方每長一丈二尺

榻頭木每長一丈三尺

龜脚每二十五枚

面版合縫在內紐計每長一丈廣一尺

貼絡神龕並背版每各長五尺

飛子每五十枚

五鋪作重拱卷頭科拱每一朶

右各一功

上下重臺鉤闌高一尺長一丈七功五分

攏裏五十功

安卓三十功



帳身高八尺深四尺作七格每格內安經匣四十枚

造作功

上隔料並貼絡及仰托棍每各長一丈共二功五分

下錠脚並貼絡及仰托棍每各長一丈共二功

帳柱每一條

歡門剗造華辨在內每長一丈

帳帶剗切在內每三條

心柱每四條

腰串每六條

帳身合版紐計每長一丈廣一尺

格棍每長三丈透格前後柱子同